



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. HRVATSKOG SAVEZA HKDU - HRAST

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE.....	5
5.1 NALAZI.....	5
5.2. PREPORUKE.....	7

MIŠLJENJE REVIZORA

Služba za reviziju finansiranja političkih stranaka izvršila je pregled finansijskih izvještaja Hrvatskog saveza HKDU - HRAST za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2017. godinu, utvrđeno je da je Hrvatski savez HKDU - HRAST prekršio odredbe člana 5. stav (4), člana 6. stav (5), člana 11. stav (1), člana 12. stav (1), (2) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled finansijskih izvještaja Hrvatskog saveza HKDU - HRAST za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatski savez HKDU – HRAST finansirao se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,03	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	30.730,00	92,76
8.	Prihodi od propagande (3-g)	0,00	0,00
I	Ukupni prihodi (1-8)	30.730,03	92,76
II	Ostali prihodi i drugo	2.400,00	7,24
	Izvori finansiranja (I+II)	33.130,03	100,00

U godišnjem finansijskom izvještaju stranka je iskazala rashode u ukupnom iznosu od 2.023,93 KM.

2. PREDSTAVLJANJE POLITIČKE STRANKE

Naziv političke stranke je Hrvatski savez HKDU-HRAST. Skraćeni naziv je HS H-H.

Politička stranka Hrvatski savez HKDU-HRAST je registrovana kod Općinskog suda u Mostaru, Rješenjem broj: R/3-14 od 14.04.2014. godine.

Sjedište stranke je u Čitluku, Športska dvorana bb.

Lica ovlaštena za zastupanje političke stranke su Pero Barbarić, predsjednik i Pero Selak, predsjednik Nadzornog odbora.

Lice ovlašteno za podnošenje finansijskih izvještaja za 2017. godinu je Ana Prskalo.

Prema podacima iz godišnjeg finansijskog izvještaja za 2017. godinu, Hrvatski savez HKDU-HRAST nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatskog saveza HKDU-HRAST za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Hrvatskog saveza HKDU-HRAST obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjeg finansijskog izvještaja Hrvatskog saveza HKDU-HRAST za 2015. i 2016. godinu, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Služba za reviziju izvršila je reviziju godišnjeg finansijskog izvještaja Hrvatskog saveza HKDU-HRAST za 2016. godinu, nakon čega je izdat izvještaj o reviziji sa mišljenjem revizora, nalazima i preporukama stranci da vodi adekvatne evidencije o svojim obavezama, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka, da stranka u potpunosti primjenjuje principe i pravila blagajničkog poslovanja, a ne djelimično, kako je to do sada činila.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da politička stranka Hrvatski savez HKDU-HRAST nije ispoštovala date preporuke.

5. NALAZI I PREPORUKE REVIZIJE

5.1 NALAZI

a) Hrvatski savez HKDU - HRAST prekršio je odredbe člana 5. stav (4)¹ i člana 6. stav (5) Zakona o finansiranju političkih stranaka.

Politička stranka u poslovnim knjigama i u godišnjem finansijskom izvještaju nije iskazala nenovčanu donaciju po osnovu besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Pregledom dokumentacije, ugovora o zakupu od 30.12.2016. godine i na osnovu izjave od strane predsjednika stranke², utvrđeno je da je Hrvatski savez HKDU – HRAST tokom 2017. godine koristio poslovni prostor površine 150 m² u Športsko-tržnom centru bb Čitluk u vlasništvu Jure Džide, bez naknade³.

Hrvatski savez HKDU - HRAST je korištenjem poslovnog prostora, bez plaćanja zakupnine, primio nenovčanu donaciju, koju je u skladu sa Zakonom o finansiranju političkih stranaka imao obavezu da evidentira u poslovnim knjigama i prijavi u godišnjem finansijskom izvještaju za 2017. godinu.

Navedeni prilog fizičkog lica, u formi usluga, je veći od zakonom propisanog u članu 6. stav (3) i (5) Zakona o finansiranju političkih stranaka.

U skladu sa odredbom iz člana 6. stav (3) Zakona o finansiranju političkih stranaka, fizičko lice u toku jedne kalendarske godine političkoj stranci ne smije uplatiti priloge, koji u ukupnom iznosu

¹ Politička stranka dužna je voditi evidenciju o prijemu članarina i dobrovoljnih priloga, te izdavati potvrde o prijemu članarina i dobrovoljnih priloga.

² Izjava predsjednika stranke Pere Barbarića od 21.03.2019. godine.

³ Izjava vlasnika poslovnog prostora Jure Džide od 22.03.2019. godine.

prelaze 10.000,00 KM, a uključujući i članarinu taj iznos, u skladu sa odredbom iz stava (5) istog člana, ne smije prelaziti iznos od 15.000,00 KM.

Stranka je dostavila ugovor o najmu poslovnog prostora od 30.12.2016. godine u kome je ugovorena zakupnina za 2017. godinu u mjesečnim iznosima od 3.500,00 KM.

Porezna uprava Čitluk je dostavila akt, broj: 13-7/8-15-05-8-289/19 M.Š., od 06.03.2019. godine u kome je navela da u njihovoj evidenciji postoji samo ugovor zaključen između Džida Jure i HKDU BiH, sklopljen 01.02.2013. godine sa rokom trajanja od jedne (1) godine, temeljem kojeg je gospodin Jure Džida podnio Zakonom propisane obrasce, te izmirio obaveze⁴.

Uvidom u Izjave predsjednika stranke i zakupodavca Jure Džide, utvrđeno je da je stranka u periodu od 01.01.-31.12.2017. godine, koristila poslovni prostor površine 150 m², bez naknade, a na osnovu akta Porezne uprave Čitluk je utvrđeno da je tržišna cijena zakupnine ovog prostora iznosila 2.727,00 KM, a ne 3.500,00 KM kako je navedeno u ugovoru iz 2016. godine, pa je stranka ostvarila prilog u iznosu od 32.724,00 KM.

U vezi sa navedenim, nedvosmisleno je utvrđeno da je stranka primila nenovčani prilog u formi usluge za korišćenje poslovnog prostora, koji prelazi zakonom propisani limit za 17.724,00 KM.

b) Pregledom godišnjeg finansijskog izvještaja utvrđeno je da je Hrvatski savez HKDU-HRAST prekršio odredbe člana 11. stav (1)⁵ i člana 12. stav (1)⁶, (2)⁷ i (4)⁸ Zakona o finansiranju političkih stranaka.

Pregledom godišnjeg finansijskog izvještaja i prikupljene finansijske dokumentacije, utvrđeno je da Hrvatski savez HKDU - HRAST nije vodio poslovne knjige u skladu sa računovodstvenim propisima, nije uspostavio tačnu evidenciju o svojim prihodima, rashodima i obavezama, nije postupao po propisima i principima blagajničkog poslovanja, nije u finansijskom izvještaju uključio koristi ostvarene od aktivnosti udruženja koje je povezano sa političkom strankom, niti je godišnji finansijski izvještaj popunio u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 11. stav (1) i člana 12. stav (1), (2) i (4) Zakona o finansiranju političkih stranaka.

(1) Uvidom u blagajničku dokumentaciju utvrđeno je da je politička stranka za gotovinska plaćanja iz blagajne vršila podizanje novca sa transakcijskog računa i izvršila polog u blagajnu u periodu od 11.01.2017. do 29.12.2017. godine u ukupnom iznosu od 24.600,00 KM, iako je početni saldo stranka iskazala u iznosu od 26.308,50 KM, i da je ukupna isplata gotovinom tokom 2017. godine iznosila 6.127,70 KM.

S obzirom da je od ukupnih 50.908,50 KM gotovinskih sredstava, na blagajni isplaćeno 6.127,70 KM i da je na dan 31.12.2017. godine na blagajni iskazala sredstva u iznosu od 44.780,80 KM, stranka je odstupila od propisa i principa blagajničkog poslovanja koji su regulisani Uredbom o uslovima i načinu plaćanja gotovim novcem u Federaciji BiH⁹. Podizanje gotovine sa transakcijskog računa i njen polog na blagajnu vrši se u slučaju kada u blagajni nedostaju gotovinska sredstva za tekuće potrebe.

⁴ Stranka je dostavila ugovor o zakupu od 20.02.2013. godine o korišćenju poslovnog prostora površine 55 m² uz naknadu od 18,18 KM/m² i mjesečnu naknadu od 1.000,00 KM.

⁵ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

⁶ Politička stranka vodi evidenciju o svojim prihodima i rashodima.

⁷ Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

⁸ Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

⁹ „Službene novine Federacije BiH“, broj: 72/15.

Politička stranka dužna je svojim internim aktima urediti sistem unutrašnje finansijske kontrole radi spriječavanja pogrešnog evidentiranja prihoda i rashoda, te zloupotrebe finansijskih sredstava, a u skladu sa odredbama člana 11. stav (2) Zakona o finansiranju političkih stranaka.

- (2) Pregledom godišnjeg finansijskog izvještaja je utvrđeno da Hrvatski savez HKDU-HRAST nije uspostavio potpune i tačne evidencije o rashodima stranke, te ih nije pravilno iskazao ni u finansijskom izvještaju, čime je prekršio odredbe člana 21., 22. i 23. Pravilnika.

Stranka u finansijskom izvještaju nije iskazala troškove zakupa poslovnog prostora koji joj je dodijeljen na korištenje bez naknade od strane fizičkog lica u čijem vlasništvu se nalazi.

- (3) Politička stranka je u poslovnim knjigama i finansijskom izvještaju kao prihod iskazala iznos vraćene takse za učešće na Lokalnim izborima 2016. godine u iznosu od 2.400,00 KM¹⁰, čime je prekršila odredbe člana 12. stav (1) Zakona o finansiranju političkih stranaka i odredbe člana 13. Pravilnika, jer je prihod iskazala u većem iznosu od ostvarenog.
- (4) Politička stranka u godišnjem finansijskom izvještaju nije uključila koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja¹¹, čime je prekršila odredbe člana 12. stav (2) Zakona o finansiranju političkih stranaka.
- (5) Hrvatski savez HKDU - HRAST u obrascu 5 (obaveze političke partije) finansijskog izvještaja nije adekvatno iskazao svoje obaveze, čime je prekršio odredbe člana 24. Pravilnika.

Stranka je u godišnjem finansijskom izvještaju iskazala ukupne obaveze u iznosu od 7.084,88 KM, dok je u Bilansu stanja na dan 31.12.2017. godine, evidentirala obaveze u iznosu od 6.904,00 KM, što je za 180,88 KM manje u odnosu na iskazani iznos u godišnjem finansijskom izvještaju.

Hrvatski savez HKDU - HRAST je iskazao obavezu prema pravnom licu Hotel Brotnjo d.o.o. u manjem iznosu za 133,50 KM. Pregledom finansijskog izvještaja, utvrđeno je da je stranka iskazala obavezu na dan 31.12.2017. godine prema pravnom licu Hotel Brotnjo d.o.o u iznosu od 3.861,00 KM, dok su prema izvodu otvorenih stavki potraživanja pravnog lica od stranke na dan 31.12.2017. godine iznosila 3.944,50 KM.

5.2. PREPORUKE

Preporučuje se Hrvatskom savezu HKDU - HRAST da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da prijavljuje priloge bez obzira na koji način ih ostvaruje,***
- ***da ne prima priloge iznad zakonom propisanog limita,***
- ***da poslovne knjige vodi u skladu sa računovodstvenim propisima,***
- ***da u svojim poslovnim knjigama uspostavi potpune evidencije o prihodima, rashodima i obavezama,***
- ***da u poslovnim knjigama i godišnjem finansijskom izvještaju evidentira nenovčane donacije,***

¹⁰ Odluka Centralne izborne komisije BiH, broj: 06-1-07-3-1513/16 od 14.12.2016. godine.

¹¹ Hrvatski narodni sabor Bosne i Hercegovine kao udruženje promoviše političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

- *da u potpunosti primjenjuje principe i pravila blagajničkog poslovanja,*
- *da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Hrvatski savez HKDU - HRAST nije se očitovao na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Pomoćnik revizora

Mr.sc. Goran Cicović

Šef Službe za reviziju

Mr.sc. Hasida Gušić